



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Pranimi / Dorezimi Primitje / Profilo Receipt / Delivery	02. 02	2	viti god year
Organ / Alesia Organ / Jednica Org. Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKM8HOK	499/2022		1/4



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.18/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj Demi-kryetare, Jeton Koca dhe Arben Mehmeti-anëtarë, me Rushit Kajtazi-Zyrtar i Lartë për Bashkëpunim Profesional në cilësinë e procesmbajtësit, sipas Aktgjykimit me numër A.nr.1426/2020 të datës 11.01.2022, të Gjykatës Themelore në Prishtinë-Departamenti për Çështje Administrative, ka shqyrtuar ankesën me numër A.nr.166/2020 të datës 19.06.2020 të parashtruar nga ankuesi kundër organit të punësimit Policia e Kosovës, në çështjen juridike "Kompensim Material", duke vepruar në pajtim me nenin 6 paragrafin 1 nënparagrafin 1.1 dhe nenin 18 paragrafin 1 nënparagrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 02.02.2022, mori këtë:

V E N D I M

- I. Refuzohet si e pabazuar ankesa A.nr.166/2020 e datës 19.06.2020, e parashtruar nga ankuesi**
- II. Mbetet në fuqi Vendimi me numër protokolli 03/02-128/20 i datës 06.04.2020, i Komisionit për Ankesa në Policinë e Kosovës.**

A r s y e t i m

Ankuesi i punësuar në policinë e Kosovës, me datë 19.06.2020, ka parashtruar ankesë me numër protokolli 1202/2020, në Këshillin e Pavarur Mbikëqyrës për Shërbim Civil të Kosovës, kundër Vendimit me numër protokolli 03/02-128/20 të datës 06.04.2020, të Komisionit për Ankesa në Policinë e Kosovës, i pranuar nga ankuesi me datë 18.06.2020.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullosës Nr.02/2018 për Procedurën e Shqyrtimit dhe Vendosjen e Ankesave, me datë 30.06.2020 ka proceduar kërkesën për përgjigje në ankesën e ankuesit në Policinë e Kosovës, ndërsa me datë 15.07.2020, Këshilli ka pranuar përgjigjen në ankesë se bashku me shkresat e lëndës.

Këshilli i Pavarur Mbikëqyrës për Shërbimin Civil të Kosovës përmes shkresës me numër protokollit 1458/2020 të datës 04.08.2020, ka njoftuar ankuesin lidhur me arsyet e mos shqyrtimit të ankesës numër A.nr.166/2020 të datës 19.06.2020, duke e udhëzuar të njëjtin për të drejtën e inicimit të padisë në gjykatën kompetent në pajtim me Ligjin për Konfliktin Administrativ.

Gjykata Themelore në Prishtinë/Departamenti për Çështje Administrativë, me datë 11.01.2022 ka nxjerr 137 Aktgjykim A.nr.1426/2020, me të cilin ka aprovuar kërkesëpadinë e paditësit, duke anuluar njoftimin e datës 04.08.2020 të KPSHMCK-se dhe ka obliguar Këshillin që në afat prej tridhjetë (30) ditësh të vendos lidhur me ankesën e ankuesit A.nr.166/2020 të datës 19.06.2020.

Kolegji për Shqyrtimin dhe Vendosjen e Ankesave, ka administruar këto prova: Ankesën me numër të protokollit 1202/2020 të datës 19.06.2020 e parashtruar nga ankuesi në Këshillin e Pavarur Mbikëqyrës për Shërbim Civil të Kosovës, Vendimin me numër të protokollit 03/02-128/20 të datës 06.04.2020, Ankesën e datës 06.03.2020, Emalin e datës 21.02.2020, Vendimin me numër të protokollit 03/02-34 të datës 28.01.2020 të Komisionit për Ankesa në Policinë e Kosovës, Ankesën e datës 23.12.2019, Vendimin me numër të referencës 07/1-01SAP-P/10546 të datës 03.12.2019, Konkursin me numër të referencës 07/01-01R/06/19, Konkursin me numër referencës 07/1-01R/04/17, Konkursin me numër të referencës 07/1-01R/02/18, Kërkesën për përgjigje në ankesë me numër të protokollit 1245/2020 të datës 30.06.2020, Përgjigjen në ankesë me numër të protokollit 1367/2020 të datës 15.07.2020, Kontratën e punës të datës 26.09.2014, Procesverbalin e seancës jo dëgjimore të datës 01.04.2020,, Emalin e datës 05.12.2018 Kartela e nëpunësit civil për vitin 2019, Emalin e datës 21.02.2020, Emalin e datës 13.01.2020, Njoftimin me numër të protokollit 1458/2020 të datës 04.08.2020, Emalin e datës 25.02.2021, Emalin e datës 22.02.2021.

Kolegji për Shqyrtimin dhe Vendosjen e Ankesave pas analizimit dhe administrimit të shkresave të lëndës të parashtruara nga palët, konstatoi se janë të pa bazuara pretendimet ankimore të ankuesit

sepse:

Nga vlerësimi i shkresave të lëndës respektivisht sipas Kontratës së Punës së datës 16.09.2014, rezulton se ankuesi është i punësuar në Policinë e Kosovës në pozitën e punës përkthyes shqip anglisht në Drejtorinë e Shërbimeve të Brendshme, me pagë bazë e shprehur në vlerë prej 407,55 Euro, ndërsa me Vendimin me Nr.reference 07/1-01SAP-P/10546 të datës 03.12.2019, ankuesi është sistemuar për kohë të pacaktuar në pozitën e punës "Zyrtar për Përkthime (Shqip - Anglisht dhe anasjelltas)", në Drejtorinë e Personelit, me pagë të shprehur në vlerë monetare 423.85 Euro, dhe shtesa 25.00. Euro. I pakënaqur me këtë vendim ankuesi me datë 23.12.2019 kishte parashtruar ankesë në Komisionin për Ankesa në Policinë e Kosovës, më kërkesën që të anulohet Vendimi Nr.reference 07/1-01SAP-P/10546 i datës 03.12.2019 ose i njëjti të rishqyrtohet ashtu që ankuesit t'i aprovohet koeficienti i pagës në nivelin e Zyrtarit të Lartë të Përkthimeve dhe t'i kompensohet diferenca e pagës për tri vite në mënyrë retroaktive.

Komisioni i Ankesave i Policisë së Kosovës me Vendimin me numër protokollit 03/02-34 të datës 28.01.2020, kishte aprovuar pjesërisht ankesën e ankuesit duke kthyer çështjen në rishqyrtim tek Drejtoria e Personelit të Policisë së Kosovës.

Drejtoria e Personelit me datë 21.02.2020, përmes emalit zyrtarit njofton ankuesin se në zbatim të Vendimit të Komisionit të Ankesave ka parashtruar kërkesë në Ministrinë e Administratës Publike

që të aprovoj koeficientin e pagës të njëjtë me pozitë të njëjtë në institucionet tjera të shërbimit civil, duke shtuar se derisa sa nuk ka aprovim nga kjo Ministri përgjegjëse, Policia e Kosovës nuk mund të vendos lidhur me ndryshimin e koeficientit.

Ankuesi sërish më datë 06.03.2020, parashtron ankesë në Komisionin e Ankesave të Policisë së Kosovës, i cili me Vendimin me numër protokollit 03/2-128/20 të datës 06.04.2020, refuzon si të pa bazuar ankesën e ankuesit. Kundër këtij vendimi, ankuesi brenda afatit ligjor ushtron ankesë në Këshillin e Pavarur Mbikëqyrës për Shërbim Civil të Kosovës, me pretendim ankimor se vendimi i kundërshtuar është i padrejtë dhe në kundërshtim me vendimet e më hershme të këtij Komisioni i cili për këtë çështje të njëjtë ka vendosur ndryshe duke ju referuar Vendimit me nr.422-Aa-2019 të datës 28.01.2020. kërkon që Këshilli ta aprovoj ankesën si të bazuar, duke i njohur koeficientin e pagës në nivelin e Zyrtarit të Lartë të Përkthimeve dhe t'i kompensohet diferenca e pagës në mënyrë retroaktive.

Kolegji për Shqyrtimin e Ankesave, lidhur me pretendimet ankimore të ankueses ju referuar dispozitave të Ligji Nr. 03/L-147 për Pagat e Nëpunësve Civil, përkatësisht nenin 3 paragrafi 1 ku është përcaktuar se: *1. E drejta e nëpunësve civilë për pagë të drejtë dhe të rregullt është e garantuar në bazë të kushteve të përcaktuara me këtë ligj dhe me Ligjin e Shërbimit Civil*, ndërsa neni 9 paragrafi 1 i po këtij Ligji përcakton se: *Nëpunësit civilë kanë të drejtë të marrin pagën bazë për numrin e orëve të përcaktuara me aktin e kantatës së punës, dhe rrjedhimisht konstatoj se e drejta në pagë është e drejtë themelore nga marrëdhënia e punës dhe nëpunësi civil gëzon të drejtën e realizimit të pagës të përcaktuar në aktin e themelimit të marrëdhënies së punës. Në kuptim të kësaj bazë ligjore dhe duke marrë parasysh shkresat e lëndës, Kolegji ka konstatuar se ankuesi sipas Vendimit me numër 07/1-01SAP-P/10546 të datës 03.12.2019 është sistemuar në pozitë të njëjtë ashtu siç ka qenë i emëruar me Kontratën e Punës të datës 26.09.2014 dhe se i njëjti realizon pagën në vlerën e përcaktuar me vendimin për sistemimin e tij me kohë të pacaktuar. Andaj, meqenëse Kolegji në provat e lëndës nuk ka gjetur ndonjë akt tjetër administrativ të organit të punësimit përmes të cilës ankuesit i është njohur pozita e Zyrtarit se Lartë të Përkthimeve kështu që Kolegji vlerëson se pretendimi ankimor për anulimin e Vendimit me numër protokollit 03/2-128/20 të datës 06.04.2020 të Komisionit për Ankesa në Policinë e Kosovës, si dhe kompensimi i diferencës së pagës në mënyrë retroaktive është i pa bazuar.*

Kolegji për Shqyrtimin dhe Vendosjen e Ankesave, po ashtu gjatë shqyrtimit të shkresave të lëndës, ka gjetur se organi i punësimit gjegjësisht Policia e Kosovës, duke ju referuar dispozitave të nenit 7 të Ligjit Nr.03/L-147 për Pagat e Nëpunësve Civil, ka bërë kërkesë pranë ministrisë përgjegjëse për administratë publike, lidhur me ngritje e koeficientit të pagës për disa pozita të punës duke përfshi edhe pozitës e ankuesit, por që një kërkesë e tillë nuk është shqyrtuar nga kjo e fundit.

Bazuar si me lartë, Kolegji për Shqyrtimin dhe Vendosjen e Ankesave, konstaton se Komisioni për Ankesa i Policisë së Kosovës, me rastin e nxjerrjes së Vendimit me numër protokollit Nr.03/02-128/20 të datës 06.04.2020, ka vërtetuar drejtë gjendjen faktike dhe ka zbatuar drejtë ligjin material duke vepruar në pajtim me dispozitat e Ligjit Nr.03/L-149 për Shërbimin Civil të Republikës së Kosovës dhe Ligjin Nr.03/L-147 për Pagat e Nëpunësve Civil.

Kështu që pas analizimit dhe vlerësimit të të gjitha shkresave të lëndës si dhe duke u bazuar në nenin 6 paragrafi 1 nën paragrafi 1.1 dhe nenin 18 paragrafi 1 nën paragrafi 1.1 të Ligjit Nr.06/L-



048 për Këshillin e Pavarur Mbikëqyrës për Shërbimin Civil të Kosovës, Kolegji vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr. 18/2022

Rushit KAJTAZI

[Signature]
Procesmbajtës

Ardita Haxhnikaj-DEMI

[Signature]
Kryetare e Kolegjit

Vendimi i dërgohet:

- Ankuesit
- Drejtorit të Përgjithshëm të Policisë së Kosovës;
- Udhëheqësit të Personelit në Policinë e Kosovës dhe
- Arkivit të KPMSHCK-së

